



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Ivdiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

5.

urn:nbn:de:hbz:466:1-11416

tidem secundum cuiusque actionis natu-
ram, sigillatim proferendæ sunt sententiæ
in eodem judicio: quia tot sunt libelli,
quot actiones & facta, & ideo cùm separa-
torum separata sit ratio, totidem senten-
tiæ requiruntur: potestq; Judex partim
definitivè, partim interlocutoriè pronun-
tiare: ut v. g. si post conclusionem in cau-
sa, quoad aliquod factum in actis allega-
tum, desideret adhuc aliquam probatio-
nem: potest rescissâ ex officio conclusio-
ne, ulteriore probationem injungere,
& nihilominus quoad reliquas actiones
in quibus nihil desiderat definitivè pro-
nuntiare: non obstante quod sententia
individua sit. L. *in hoc judicio ff. fam: ercis.*
quia id verum est, quando libellus unum
factum continet: fecus quando plura, &
separabilia facta. Gail: *cit. obs. 63.*

5. Conclusioni clausulam aliqui subjiciunt, *cum expensis*: quam adeo utilem esse
aiunt: ut Judex eā non omissâ non sit ob-
noxius eo nomine actori. Barth: *in L. 4. §.*
hoc autem judicium. ff. de damno inf: Verū
id falsum esse colligitur ex *L properandum.*
§. sin autem alterutra C. de jud. Subjiciunt &
hanc

Hanc. Salvo jure addendi, detrahendi &c. cui
 vi existimant libellum, ante litem conte-
 statam mutari posse. Gl. in cap. inter dilectos
 de fide Instr. S E D reverà hæc clausula nihil
 operatur, quia ipso jure libellum mutare
 licet, tam in civilibus, quam in criminali-
 bus usque ad litem contestatam, quia ea
 non contestata non dum est judicium ca-
 ptum propriè, at vero ea contestata actor
 eum mutare non potest (nisi velit uti no-
 vo libello, & nova instantia, recedendo à
 priori cum refusione expensarum, juxta
 caput examinata de jud.) etiam de consen-
 su partium: quia per litis contestationem
 obligatur quis instantia, ut ab ea recede-
 re, & amplius pœnitere non valeat. L. 15.
 qui se obtulit. & Gl. ibid. in ver. qui discessit
 ff. de rei vend. tum quia sic celebratur qui-
 dam quasi contractus, quo obligatur quis
 ad id, quod in judicio petitum est, si per
 sententiam (quâ contractus iste quasi
 consummatur) succumbat: tum, quia li-
 tis contestatio, & alii actus substantiales
 judicii partium consensu tolli nequeunt.
 Gl. in cap. de causis. de offic. deleg. ver. consen-
 sus. D i x i mutare, quia emandare licet li-
 bel.

bellum, usq; ad sententiam. L. si quis intentione de jud. & DD. communiter ad L. edita 3.
C. de edendo. ut proinde si actor de summa petita aliquid diminuere velit, usque ad sententiam audiendis est. arg. L. quidam ff. s^o certum petatur. sicut & si errore duct^o ab initio minus, quam sibi debebatur petierit; potest in eodem judicio, eademq; instantia, errorem suum corrigere. §. si minus. Inst. de act. SED & oblatio libelli remitti potest: intellige de partium litigantium conventione, si enim ipsa vocatio, tametsi primum sit suo modo, actionem institendarum principium, expressa aut tacita conventione remitti potest, quanto magis oblatio libelli? v. g. Adversarium in judicio inventum apud eum, qui tribunal praest convenisti: conventus ultro respondit, itemq; contestatus est, non est dubitandum valere judicium: ex quo fundamento & illud defenditur, si vocatio parum legitimè facta sit, non vitiari judicium si vocatus ultro compareat. arg. L. 1. §.
 2. ff. de fer. Rebuff. tract. de contum. art. 2.n. 4.

6. Plerumq; autem viso actoris libello, reus vicissim ab actore aliquid petit, eum-
que.